

Siasatan 1MDB umpama sudah mati, kata TI-M
The Malaysian Insider
July 30, 2015

Peristiwa-peristiwa yang berlaku kebelakangan ini termasuk proses siasatan 1Malaysia Development Berhad (1MDB) serta pemecatan pegawai-pegawai kerajaan, menimbulkan persepsi masyarakat terdapat usaha bersepadu untuk menghentikan siasatan, kata Transparency-International Malaysia (TI-M).

Ura-ura mengatakan siasatan yang sedang dijalankan seakan-akan berakhir, kata presidennya Datuk Akhbar Satar menambah seluruh skandal 1MDB mempamerkan sikap tadbir urus tidak baik, tidak berintegriti dan tidak menghormati undang-undang.

"Proses siasatan yang lembab seperti siput dan dengan penghentian aktiviti PAC ditambah dengan pemecatan pada 29 Julai, bagaimana rakyat Malaysia yang bijak akan melihat seluruh episod? Sesungguhnya mereka akan fikir ini usaha menghentikan siasatan 1MDB,"

"Ditambah pula akhbar yang secara agresif mendedahkan isu-isu berkaitan 1MDB yang ditekan dengan penggantungan. Janji tiada sekatan Internet juga tidak ditepati"

Bagi TI-M, siasatan itu seperti "hidup segan mati tak mahu" atau sudah mati memandangkan ikan bilis yang disabitkan kesalahan" katanya dalam satu kenyataan hari ini.

Tambahnya, menggantikan Tan Sri Abdul Gani Patail sebagai peguam negara kerana faktor kesihatan walhal beliau sebahagian pasukan petugas 1MDB yang menyiasat dakwaan akhbar The Wall Street Journal (WSJ) awal bulan lalu yang berbilion ringgit dimasukkan ke akaun Perdana Menteri Datuk Seri Najib adalah mengejutkan. – 30 Julai, 2015.

Copyright © 2015 Edge Insider Sdn Bhd

Source:

<http://www.themalaysianinsider.com/bahasa/article/siasatan-1mdb-umpama-sudah-mati-kata-ti-m>